

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

RJEŠENJE

**Prijava koncentracije gospodarskog subjekta „Opresa“ d.d. Sarajevo, Džemala Bijedića br.185,
Sarajevo, Bosna i Hercegovina**

Sarajevo, lipanj, 2015. godine



Broj: 03-26-1-034-10-II/14
Sarajevo, 09.06.2015. godine

Na osnovu članka 25. stavak (1) točka e), članka 42. stavak (2) i članka 18. stavak (6) Zakona o konkurenciji («Službeni glasnik BiH», br. 48/05, 76/07 i 80/09), rješavajući po Prijavi koncentracije gospodarskog subjekta „Opresa“ d.d. Sarajevo Džemala Bijedića br.185, 71000 Sarajevo, Bosna i Hercegovina kojeg zastupa advokat Zdravko Rajić, Stjepana Radića br.7, 88000 Mostar, zaprimljenoj dana 29.10.2014. godine pod brojem: 03-26-1-034-II/14, Konkurencijsko vijeće Bosne i Hercegovine, na 105. (stotinupetoj) sjednici održanoj dana 09.06.2015. godine, donijelo je

R J E Š E N J E

1. Smatra se dopuštenom, u smislu članka 18. stavak (6) Zakona o konkurenciji, koncentracija na tržištu prodaje štampe (dnevni novina, tjednika, periodičnih izdanja) u Bosni i Hercegovini koja će nastati sticanjem kontrole gospodarskog subjekta „Opresa“ d.d. Sarajevo Džemala Bijedića br.185, 71000 Sarajevo, kupovinom (..)**¹ vlasničkih udjela u gospodarskom subjektu IPress d.o.o. Široki Brijeg, Fra Dominika Mandića 24A Široki Brijeg, 88220 Široki Brijeg.
2. Ovo Rješenje o koncentraciji se upisuje u Registar koncentracija.
3. Ovo Rješenje je konačno i bit će objavljeno u «Službenom glasniku BiH», službenim glasilima entiteta i Brčko Distrikta Bosne i Hercegovine.

O b r a z l o ž e n j e

Konkurencijsko vijeće Bosne i Hercegovine (u daljnjem tekstu: Konkurencijsko vijeće) je dana 29.10.2014. godine zaprimilo Prijavu koncentracije, broj: 03-26-1-034-II/14 (u daljnjem tekstu: Prijava), podnesenu putem odvjetnika Zdravka Rajića, Stjepana Radića br.7, Mostar, (na osnovu punomoći izdate dana 24.10.2014. godine u Sarajevu), gospodarskog subjekta „Opresa“ d.d. Sarajevo Džemala Bijedića br.185, Sarajevo, Bosna i Hercegovina (u daljnjem tekstu: Podnositelj prijave ili Opresa), kojom isti namjerava steći kontrolu nad gospodarskim subjektom IPress d.o.o. Široki Brijeg, Fra Dominika Mandića 24A Široki Brijeg, Bosna i Hercegovina, (u daljnjem tekstu: IPress) kupovinom (..)**osnovnog kapitala.

Uvidom u podnesenu Prijavu Konkurencijsko vijeće je utvrdilo da ista nije kompletna, u smislu članka 30. Zakona o konkurenciji („Službeni glasnik BiH“, br. 48/05, 76/07 i 80/09) (u daljnjem tekstu: Zakon) i čl. 9. i 11. Odluke o načinu podnošenja prijave i kriterijima za ocjenu koncentracije gospodarskih subjekata („Službeni glasnik BiH“, broj 30/10), te je Podnositelju prijave dana 01.12.2014. godine uputilo zahtjev za dopunu prijave broj: 03-26-1-034-1- II/14.

Podnositelj Prijave je predmetnu Prijavu dopunio podneskom broj: 03-26-1-034-2-II/14 dana 10.12.2014. godine.

Nakon analize podnesene Prijave i dopuna Prijave, Konkurencijsko vijeće je dana 27.01.2015. godine (akt broj: 03-26-1-034-3-II/14) Podnositelju prijave izdalo Potvrdu o prijemu kompletne i uredne prijave, u smislu članka 30. stavak (3) Zakona.

¹ (..)** Podaci predstavljaju poslovnu tajnu, u smislu člana 38. Zakona o konkurenciji

Konkurencijsko vijeće je, sukladno članku 16. stavak (4) Zakona, u dnevnim novinama izdalo Obavijest o dostavljenoj Prijavi broj: 03-26-1-034-5-II/14 dana 29.01. 2014. godine i pozvalo sve zainteresirane strane na dostavljanje pisanih komentara o namjeravanoj koncentraciji.

Na predmetnu Obavijest je dana 06.02.2015. godine, dostavljen prigovor, broj: 03-26-1-034-7-II/14, od strane gospodarskog subjekta Oslobođenje d.o.o. Sarajevo, u kojem predlažu održavanje usmene rasprave u predmetnom postupku, kao i zabranu prijavljene koncentracije iz razloga što bi ista dovela do sprečavanja, ograničavanja i narušavanja tržišne konkurencije na relevantnom tržištu, odnosno dovela bi do kršenja Zakona o konkurenciji, kao i Evropske konvencije o ljudskim pravima i temeljnim slobodama/Ustava Bosne i Hercegovine, kao i međunarodnih multilateralnih ugovora o ljudskim pravima koji su sastavni dio dejtonskog Ustava Bosne i Hercegovine-kroz implikacije ograničavanja slobode javne riječi i/ili slobode štampe zagwarantiranih ustavnim, međunarodnopravnim i zakonskim odredbama primjenjivim u Bosni i Hercegovini.

Konkurencijsko vijeće je nakon analize dostavljene Obavijesti utvrdilo da su činjenice koje se iznose u predmetnoj Obavijesti vrlo paušalne i generalne, te da se gospodarski subjekt Oslobođenje d.o.o. Sarajevo poziva na vrlo oskudne izvore informacija kojima nastoji osporiti predmetnu koncentraciju, pa prema svemu navedenom Konkurencijsko vijeće dostavljenu Obavijest smatra kao neutemeljenu.

Podnositelj prijave je, u smislu članka 30. stavak (2) Zakona, naveo da ne namjerava podnijeti zahtjev za ocjenu koncentracije tijelima ovlaštenim za ocjenu koncentracije izvan Bosne i Hercegovine.

Prijava koncentracije je podnesena u zakonom propisanom roku, u smislu članka 16. stavak (2) Zakona.

Odredbom članka 18. stavak (6), sukladno stavku (5) navedenog članka Zakona, propisano je da ukoliko Konkurencijsko vijeće u roku od 30 dana od izdavanja potvrde o prijemu kompletne i uredne prijave iz članka 30. Zakona o konkurenciji ne donese Zaključak o pokretanju postupka ocjene koncentracije, smatrat će se da je koncentracija dopuštena.

Kako se nisu ispunili zakonski uvjeti u smislu članka 24. Zakona, Konkurencijsko vijeće nije moglo donijeti konačno rješenje u zakonom propisanom roku.

Konkurencijsko vijeće je aktom broj:03-26-1-034-9-II/14 od dana 27.05. 2015. godine obavijestilo Podnositelja prijave da konačno rješenje u postupku nije doneseno iz razloga što se nisu ispunili zakonom propisani uvjeti za njegovo donošenje, te je poučen o citiranim odredbama Zakona prema kojim usljed isteka roka nastupa zakonska pretpostavka o dopuštenosti koncentracije.

Na poseban zahtjev gospodarskog subjekta, Konkurencijsko vijeće sukladno članku 19. Odluke o načinu podnošenja prijave i kriterijima za ocjenu koncentracija gospodarskih subjekata donosi rješenje o dopuštenosti koncentracije.

Podnositelj prijave je podnio Konkurencijskom vijeću poseban zahtjev za donošenje rješenja dana 12.03.2015. godine pod brojem: 03-26-1-034-8-II/14.

Postupajući po zahtjevu za donošenje rješenja Podnositelja prijave, a imajući u vidu naprijed navedeno, Konkurencijsko vijeće je konstatalo da je rok za donošenje konačnog rješenja u smislu članka 18. stavak (5) Zakona protekao, te je sukladno članku 19. Odluke o načinu podnošenja prijave i kriterijima za ocjenu koncentracija gospodarskih subjekata donijelo odluku kao u točki 1. izreke ovog Rješenja.

1. Administrativna taksa

Na ovo Rješenje Podnositelj prijave, sukladno članku 2. stavak (1) tarifni broj 107. točka h) Odluke o visini administrativnih taksi u vezi s procesnim radnjama pred Konkurencijskim vijećem («Službeni glasnik BiH», br. 30/06 i 18/11) dužan je platiti administrativnu taksu u ukupnom iznosu od 2.500,00 KM u korist Budžeta institucija Bosne i Hercegovine.

2. Pouka o pravnom lijeku

Protiv ovog Rješenja nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objavljivanja ovog Rješenja.

Predsjednica

Maida Čampara

Dostaviti:

- **Podnositelju prijave**
- **u spis predmeta**
- **arhiv Konkurencijskog vijeća**